

խակ աջից՝ դարձեալ Սինկոտ, վարիխանա, Բեղաուլ, Նադիր-օղլի եւ Իրսա առ-բը, որոնք ոռոգում են համանուն գեղերը իրենց պարագաներով:

Արդվինի շրջապատի բոլոր գեղերը իսլամացածներ են. թուրք բոլորովին չկան:

ԺԲ.

Մուրղուլի հովիտը եւ Դեւիս վտակի Աւազանը:

Մուրղուլ վտակն սկսւում է Բիւքիւրդ լեռներից, ուղղւում է հարաւից-հիւսիս, ապա հիւսիս, հիւսիսային արեւմուտք եւ խառնւում է Ճորոխից ձախից: Մուրղուլի հովիտը շատ ընդարձակ է, շուրջ 20 վերստ երկարութիւն ունի, բազմաթիւ առուակներ աջից եւ ձախից, որոց ջրբաժան գիծն է Պարխալ Լ. շ. Բիւքիւրդ, Դէմիր-Կափու, Ահար-բաշի, Բառնալիք-թէփեսի, Փատաշուր Լ-բը մինչեւ Սեւ Ծովի ափերը: Մուրղուլի եւ Խատիլայի մէջ են Կերցին եւ Տրիալ լեռները: Ինչպէս Խատիլայի նոյնպէս Մուրղուլի լեռները անտառապատ են:

Մուրղուլ վտակը թափւում են Կվախչիտ, Էգրէ, Քեմարլի, Գալիաձորտ, Բուպիէք, Ծղալիկա եայլաների առունները. ապա անցնում է Շուվալի, Ալաջա, Մուրադ-Բուրազ, Չամուրլի, Ինեգլի, Մագարա-Թիփա գեղերից, միացնելով նրանց առունները իր հետ: Հովտում՝ Մուրղուլի վտակի աջ ու